



JKP "ZENICATRANS-PREVOZ PUTNIKA" d.d. Z E N I C A NADZORNI ODBOR

Na osnovu, člana 12. Zakona o javnim preduzećima („Sl. novine F BiH“, broj: 08/05 i 81/08), člana 64. Statuta JKP „Zenicatrans-prevoz putnika“ d.d. Zenica i Odluke Nadzornog odbora broj: 73-2/16 od 22.11.2016. godine, JKP „Zenicatrans-prevoz putnika“ d.d. Zenica, raspisuje:

JAVNI KONKURS za izbor i imenovanje izvršnih direktora - članova Uprave JKP „Zenicatrans-prevoz putnika“ d.d. Zenica, i to:

1. Izvršni direktor za tehničke poslove i
2. Izvršni direktor za pravne i ekonomske poslove.

Izbor i imenovanje Izvršnih direktora - članova Uprave JKP „Zenicatrans-prevoz putnika“ d.d. Zenica, izvršiće Nadzorni odbor JKP „Zenicatrans-prevoz putnika“ d.d. Zenica.

Imenovanje izvršnih direktora - članova Uprave JKP „Zenicatrans-prevoz putnika“ d.d. Zenica, izvršiće se na period od 4 (četiri) godine.

I Opis poslova:

1. Izvršni direktor za tehničke poslove
 - učestvuje u radu Uprave,
 - organizuje rad tehničkih poslova,
 - usklađuje tehnička rješenja sa propisima,
 - koordinira rad u pružanju usluga Društva,
 - izgrađuje godišnji plan remonta i održavanja sredstava Društva,
 - obavlja i druge poslove po nalogu organa upravljanja, a koje su u nadležnosti Uprave Društva.
2. Izvršni direktor za pravne i ekonomske poslove
 - učestvuje u radu Uprave,
 - organizuje rad pravnih i ekonomskih poslova u Društvu,
 - obezbjeđuje prijedloge akata Društva koje donose organi Upravljanja Društva,
 - vrši kontrolu svih ugovora koje zaključuje Društvo,
 - zastupa Društvo pred sudovima i drugima organima,
 - obavlja i druge poslove po nalogu organa upravljanja, a koje su u nadležnosti Uprave Društva.

II Uslovi

Kandidati su dužni ispunjavati slijedeće uslove:

1) Opći uslovi:

- a) da su državljani Bosne i Hercegovine,

- b) da su stariji od 18 godina,
- c) da nisu otpušteni iz službe kao rezultat disciplinske mjere na bilo kojoj razini u Bosni i Hercegovini (bilo na razini države ili entiteta) u periodu od tri godine prije dana objavljivanja konkursa,
- d) da se na njih ne odnosi član IX 1. Ustava Bosne i Hercegovine,
- e) da nisu osuđivani za krivično djelo i za prekršaj iz oblasti poslovne djelatnosti koja je nespojiva sa dužnosti u upravi društva i da se protiv kandidata ne vodi krivični postupak,
- f) da nisu lica kojima je presudom suda zabranjeno obavljanje u nadležnosti dužnosti člana uprave - direktora,
- g) da nisu izabrani zvaničnici nosioci izvršnih funkcija ili savjetnici izabranim zvaničnicima i nosiocima izvršenih funkcija u smislu člana 5. Zakona o sukobu interesa u institucijama vlasti Bosne i Hercegovine,
- h) da nisu u funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH.

2) Posebni uslovi:

- a) Za Izvršnog direktora za tehničke poslove - člana Uprave Društva, može biti imenovano lice koje pored općih uslova predviđenih zakonom mora da ispunjava i sljedeće posebne uslove:
 - da ima visoku stručnu spremu VII-VSS saobraćajnog ili mašinskog smjera, odnosno najmanje 240 (ETCS).
 - da ima najmanje tri godine radnog iskustva na rukovodećim radnim mjestima.
 - da ima organizacijske sposobnosti i stručna znanja iz djelatnosti preduzeća i upućenost u sadržaj i način rada tijela upravljanja privrednih društava (provjerit će se putem intervjua).
- b) Za Izvršnog direktora za pravne i ekonomske poslove, odnosno člana Uprave Društva, može biti imenovano lice koje, pored općih uslova predviđenih zakonom mora da ispunjava i sljedeće posebne uslove:
 - da ima visoku stručnu spremu VII-VSS pravnog ili ekonomskog smjera, odnosno najmanje 240 (ETCS).
 - da ima najmanje tri godine radnog iskustva na rukovodećim radnim mjestima.
 - organizacijske sposobnosti i stručna znanja iz djelatnosti preduzeća i upućenost u sadržaj i način rada tijela upravljanja privrednih društava (provjerit će se putem intervjua).

III Dokazi

Kao dokaz o ispunjavanju uslova iz Javnog konkursa, kandidati su uz prijavu na javni konkurs, dužni u originalu ili ovjerenoj kopiji priložiti sljedeću dokumentaciju:

- kraća biografija, sa adresom i brojem telefona,
- diploma visoke stručne spreme odgovarajuće struke, koja je stečena po propisima koji su se primjenjivali prije početka Okvirovog Zakona o visokom obrazovanju u Bosni i Hercegovini ili koja je stečena u skladu sa Okvirnim Zakonom o visokom obrazovanju u Bosni i Hercegovini i koja je vrednovana sa najmanje 240 ECTS bodova,
- potvrdu ili uvjerenje o potrebnom radnom iskustvu,
- uvjerenje o državljanstvu (ukoliko na obrascu nema naznake da su bez roka važenja isti ne mogu biti stariji od 6 mjeseci),
- izvod iz matične knjige rođenih (ukoliko na obrascu nema naznake da su bez roka važenja isti ne mogu biti stariji od 6 mjeseci),

- potpisana i od nadležnog organa ovjerena izjava da kandidat nije otpušten iz službe kao rezultat disciplinske mjere na bilo kojoj razini u Bosni i Hercegovini (bilo na razini države ili entiteta) u periodu od tri godine prije dana objavljivanja konkursa,
- potpisana i od nadležnog organa ovjerena izjava da se na kandidata ne odnosi član IX 1. Ustava Bosne i Hercegovine,
- potpisana i od nadležnog organa ovjerena izjava da kandidat nije osuđivan za krivično djelo i za prekršaj iz oblasti poslovne djelatnosti koja je nespojiva sa dužnosti u upravi društva i da se protiv kandidata ne vodi krivični postupak,
- potpisana i od nadležnog organa ovjerena izjava da kandidat nije lice kojem je presudom suda zabranjeno obavljanje u nadležnosti dužnosti članova uprave-direktora,
- potpisana i od nadležnog organa ovjerena izjava da kandidat nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršenih funkcija u smislu člana 5. Zakona o sukobu interesa u institucijama vlasti Bosne i Hercegovine,
- potpisana i od nadležnog organa ovjerena izjava da kandidat nije u funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH.

IV

Kandidati koji budu ispunjavali uslove Javnog konkursa, Nadzorni odbor će pozvati na intervju.

Nadzorni odbor će izabrati one kandidate koji po menadžerskim znanjima i iskustvu najbolje odgovaraju za izvršenje operativnih i poslovnih potreba JKP „Zenicatrans-prevoz putnika“ d.d. Zenica.

Javni konkurs će se objaviti u javnim glasilima, i to u: „Službenim novinama F BiH“ i dnevnim novinama „Oslobođenje“ i ostaje otvoren 15 (petnaest) dana od dana posljednjeg javnog objavljivanja.

V

Prijave sa traženim dokumentima dostaviti lično ili preporučenom poštom na adresu:

**JKP „Zenicatrans-prevoz putnika“ d.d. Zenica
Ul.Bulevar Kralja Tvrtka I broj: 34 Zenica
72000 Zenica**

Sa naznakom:

**Prijava na konkurs za izbor i imenovanje izvršnih direktora - članova Uprave JKP
„Zenicatrans-prevoz putnika“ d.d. Zenica**

-NE OTVARATI-

Nepotpune i neblagovremene prijave neće se uzeti u razmatranje.
Društvo nije obavezno vraćati dokumentaciju dostavljenu uz prijavu.